

GENESIS VIII. IX.

zyungittelyei. 18 Akò Noah chikh-chozi, akò vit tinjinut, akò vuut, akò vit tinjinut ko utnut vah: 19 Utthui ettounyachyo, etchichi kunichoo ettounyacho, akò nette ettounyacho, etchichi ettounyachyo chitti te nunh kug nutunde, kittikit tinchi kit, ttrih kwut sut chikhnyaöth.

20 Akò Noah KEKWADHUT tsut atteinjitrahtsi tekit nukwintthui; akò utthui zyin ettounyachyo ttsut, akò nette zyin ettounyachyo ttsut onjik, akò atteinjitrahtsi tekit kug atteinji tshittrutaki atteinjieltsei. 21 Akò KEKWADHUT trigwatsun nirzi kwantsun; akò KEKWADHUT tit ttri * tsut akòtittinyooh, tinjih enjit tthui te nunh kug chun kwirzyo ketnugitihkhyakkwa, kwugut yoo tinjih ttri ninjiitrudhut nichidhut kwut sut kwirzyo nili; akò tthui te etchichi kwundui tutthug chun nutudhelktha kkwa, nittso tihsiyinh. 22 Nunh troonudhuk kathog, † kuttrutto tei akò khuttrigwitti, akò kookudh akò koodha, akò ssin akò khui, akò ttrin akò ttodh kwilyinkwutata kkwa.

CHAPTER IX.

AKÒ Vittekwichanchyo Noah vit tinjinut ha kwirzi tsut gikhe, akò akòtuntukovahnyoo, Tikyunochi, akò zyunohtlyei, akò nunh tunkwitunoha. 2 Akò nyiwhet nutchut, akò nyiwhet undi-
kwichanchyo nunh utthui tutthug kkò kwittelya, akò zye nette tutthug kkò, tutthug nunh kug ‡ nutunde kkò, akò choqchoh thlyoog tutthug kkò, nyiwhonli

tsut kwunttlutrantsij. 3 Etchichi nutunde tutthug kwundui nit tsut ssih kwittelya; kwunzi chantlo kwikkit etchichi tutthug nyiwhotsun dhelhtsei. 4 Kò kwutthui tik kwundui ha, ei yoo vut tta uttoä kkwa. 5 Akò ettelye nyiwhot tta, nyiwhok kwundui tta ket gitihkhyia; utthui tutthug nilli kwut sut ket gitihkhyia: akò tinjih nilli kwut sut, tinjih ettounyachyo yak kwitchin nilli kwut sut inchi, tinjih kwundui ket gitihkhyia. 6 Attun tinjih tta nutunja, tinjih kirkhe vut tta nuttrute-tunja: kwuggut yoo Vittekwichanchyo kkyò tinjih eltsei. 7 Akò nyiwhon, tikyanochi, akò zyunohtlyei; nunh kug kwinttluth tsut tikyohchi, akò zut zyunohtlyei. 8 Ako Vittekwichanchyo Noah tsut gikhe, akò tit tinjinut tsut vah, akòtittinyooh, 9 Akò si, kwinyooyin, sith thlukwinadhun nyiwhah nutturkwitiltshi, akò nyiwhok kkyinut nyiwhok kitlyo ha; 10 Akò kwundui koqli ettounyachyo nyiwhah tincho ha, nette, akki, akò nunh utthui ettounyachyo nyiwhah tincho ha; ttrih kwut sut chikh chiloht tutthug ttsut, nunh utthui ettounyachyo tsut. 11 Akò sith thlukwinadhun nyiwhah nutturkwitiltsha; akò tthui te nutturkuheih choq kirkhe kwutthui tutthug kitututtunetudha kkwa; akò tthui te nutturkuheih kwittelya kkwa nunh rsyetekoogwitutahtsya kenjit. 12 Akò Vittekwichanchyo akòtittinyooh, Chih nili thlukwinadhun koogwiteyin kwutsunelhtsi sah akò nyiwhah ekyidetug akò kwundui tutthug koqli nyiwhah tincho, nzyonedichi sheg kenjit kwu tsut: 13 Kokh * zit

* Kò, zit.

† Kò, niitrili.

‡ Kò, chochyoo.

* Kò, kug.